

Falakini wawaiye ire akiweta wakazi:
Njoni upesi! Mujenazo nguwo ngema-zo. Munvaze
mwanangu-yu. Munvaze mete. Munvaze viratu. Na muje
nawo novyo g'ombe wa kunenepa pakulu-yo. Munsinje.
Titende jambo ra Sherehe. Mwanangu kâfwa kaludira uhai
tena upya. Kâsika na kawoneka!
Jambo rikanza.

Jibu:

Ndi mwanani alebele kuritisiwa? Nkati ya mawoni
matatu-ya, tondola usemi wa kweli:

- Mwana ire kâribu nusu ya irati, nyengine akitula.
- Mnemba ire, kakisunga nguluwe-ko, aakiwa na cakuliya.
- Wawaiye mnemba ire, pammonire mwana ire akija baidi, kawatuma wakazi kuwa wanfunge na wamwibiye.
- Ereza kwa usemi aba caurifundire nkati ya inlimu-yi.

Ficha Técnica

Título: Kinyume kuhusu Mwana wa kwasika
(A Parábola do Filho Pródigo)
(The Parable of the Lost Sheep)

Língua: Kimwani

Ilustrações: The Art of Reading 2.0

Artista: Mbanji Bawe Ernest

Primeira edição electrónica, 2010

Produzido por: JUWA
lidemo.net@gmail.com
C.P. 652
Nampula, Nampula
Moçambique

O utilizador pode copiar e distribuir a obra.



Kinyume kuhusu Mwana wa kwasika

(A Parábola do Filho Pródigo)



Usemi wa nkitabu ca Luka 15:11-24

Kitabu ca wafyomi wapya luga ya Kimwani
Nível 2

Suku moja Insa akitamba hadisi mmoja:

Mwananlume mmoja akiwanawo wana wawiri. Anta suku-
yo kifindi-ire akamba:

Baba, Nisaka cangu (aula, canijuzi kuriti ufwire).

Nisaka, sambi-nopa.

Wawa ire akawanya irati ya wana-wo wawiri. Kifindi ire
akilawa pakaya pare na nzuruku wake mmaramba. Akúka
inti nyengine. Pafikire eko, mainsha ake ákiwa a madambi
pakulu. Akitenda vinu vya ucaputu. Nzuruku ure, piya
akaribu ukisa, akibaki makono-waka.

Ikikola njala ya tufani, noire inti ire. Mnemba akanza
kutabika na njala. Akúka akilebela kazi. Yakuasunga
nguluwe. (Neye Ázowerere kusunga nguluwe. Nguluwe zire
zinyauka-nyaukanga pakulu. Mayaudi wakifezei nguluwe.)
Mnemba akitabika njala. Fala apo akimpa kinu. Iye akisaka
kuriya, na mpaka na cakurya ca nguluwe cikimwajibu ariye.
Mnemba akanza kuwaza:



-Fadari ka baba. Wakazi wanawo cakurya cingi-cawenye.
Nibaki aba javi-pa kufwa njala! Niludira ukaya ka Baba.
Nikuka kumwambira javi: “Baba, nikola dambi ka
Mwenyezimungu na Bwana. Sambu anta kwitiwa mwanawo
sifái. Nisaka niwe mukazi wako mmojiwapo.” Basi mnemba
ire akilawa pare. Akilokota njira akúka ka wawaiye.

Mnemba ire kâsafiri baidi futi. Wawaiye ire kammona
akija baidi. Pammonire kawa radi. Wawaiye ire akituwa. Iye
akúka kuwonana na mwanawe. Akimpatika na akimpa beju.

Mnemba ire akamba:

- Baba, nikola dambi ka Mwenyezimungu na ka Bwana.
Sambu sijuzi kwitiwa mwanawo!

